



Bon veni a la jornal Orizones Nova

Bon veni a Orizones Nova, la prima jornal scriveda tota en Lingua Franca Nova. Per aceles ce no sabe ce es Lingua Franca Nova, un introdui corta:

Lingua Franca Nova es desiniada per es un lingua vera simple, coerente, e fasil aprendeda, per comunica internasional. El ave varios cualia bon:

- El ave un numero limitada de fonemes. El sona simila a italian o espaniol.
- El es scriveda como el sona. No enfante deve pasa multe anios studia nonregulas!
- El ave un gramatica vera simple e regula. El es min complicada en esta caso como engles o indonesian.
- El ave un grupo limitada e tota regula de afises produinte per crea parolas nova.
- El ave regulas de la ordina de parolas bon definada, como multe linguas major.
- El ave un lista de parolas fundada en la linguas roman moderne. Esta linguas es comun e influente, e ia contribui la parte major de parolas engles.
- El es desiniada per es asetante natural de parolas tecnicas de latina e elenica, la "norma de mundo" per fato.
- El es desiniada per aperi plu parte "natural" per los ci comprende la linguas roman, ma no min fasil per otras.

Per plu informas, per favor vade a <http://lingua-franca-nova.net>, la paje xef de la lingua.

Orizones Nova

Bon veni a la numero du de la jornal Orizones Nova. La prima ia comensa en la fini de novembre, e nos sabe ce la fini de novembre es la comensa de prepares de natal, donc me pensa ce la lejores ia es tro ocupada per dona a me multe comentas. Nonoposante esa es no problem, per ce esta jornal es tan per me como per otras. Me no pensa ce esiste un person en esta mundo ce usa LFN perfeta sin eras, e esta jornal es un esperimente vivende per mostra la usa e la evolui de la lingua.

Posable tu ia vide ce me ia scrive ance en engles a destra. Per ce? Per ce esta jornal ave la ojetos de mostra LFN e instrui LFN, prima persones ci leje la jornal debe sabe ce

Welcome to the second edition of Orizones Nova. The first one began in the beginning of November, and we know that the beginning of November is the beginning of the preparations for Christmas, so I think the readers were too busy to give me a lot of comments. That is no problem however, because this journal is as much for me as for others. I don't think that there exists a person in this world that uses LFN perfectly without errors, and this journal is a living experiment to show the use and the evolution of the language.

You may have noticed that I am writing in English on the right as well: why? As this journal has the goals to show and instruct LFN, firstly people that read the journal should

es esta lingua, e per esa ojeto engles conveni bon. Ance, cuando un person aprende un lingua, aver un otra lingua ce un sabe ja per compare es un metodo tre bon. Esta modo, persones ci leje esta jornal pote compare LFN con engles, e pote aprende vocabulos nova.


Cuando otras decide contribui a esta jornal, los pote scrive supra la sujetos ce los gusta, ma per ce me gusta la spasio, posable esta jornal ance ave multe contenida supra el. Multe contenida supra la spasio. Tu es averteda.

know what this language is, and for this object English works well. In addition, when one learns a language, having another language that one knows already for comparison is a very good method. This way, people that read this journal can compare LFN with English, and learn new vocabulary.

When others decide to contribute to this journal they may write about the subjects that they like, but because I like to write about space it's likely this this edition will have a lot of content about it as well. Lots of content about space. You have been warned.

Dave MacLeod
26 desembre, 2006

COROT Lansada



En desembre 27, la telescopio spasio COROT ia es lansada par un Soyuz 2-1b roceto rusce, a 1423 GMT (9:23 a.m. EST) de la Baikonur Cosmodrome, Casacstan. La mision, dirijeda par Frans, va xerca per planetas rocos sirca otra stelas.

Supra la atmosfera de la Tera, COROT va usa un metodo diferente ce es plu conveninte ce la metodos ce nos usa aora. Nomada la metodo de traversa ("transit technique" en engles), el va mostra planetas estrasolal tra mesura la sumerji de la lus de un stela cuando la planeta move tra la fas de la stela. Asta aora nos ia usa un metodo ce xerca per planetas tra la gravita entre la stela e se planeta – cuando un planeta grande move sirca se stela la stela ance move un poca, e per vidente esta move nos pote sabe si un planeta esiste o no. Con esta metodo aora plu ce 200 planetas ia es descovreda, ma tota los es grande, per ce un planeta debe es grande per influence se stela per ce nos pote vide la move de la stela donada par la planeta. E como vos sabe, un planeta tro grande no pote es como la Tera – natural es posible ce un planeta grande ave un forma de vive ce nos aora no pote imagina, ma aora la posablia la plu grande per vive en un otra planeta es en un planeta de roca, como la Tera.

La lente de la telescopio es 27 sentimetres, e el va manteni la brilia de la stelas en un mision ce va dura plu ce 2 anios. Vidente un sola loca per 150 dias, COROT va pote oteni oservas ce nos no pote oteni en la Tera, per du razones: 1) En la Tera nos pote vide la sielo sola en la note, e la Tera continua jirar a tota tempo. 2) En la Tera existe interferis de atmosfera ce nos no pote evita mesma a supra de un montania. Sin esta problemas de observa, COROT va debe descovre sirca 10 a 40 planetas de roca, e ance deses de planetas jigante de gas.

La prima oservas debe veni en la fini de janero. Ma esta es sola la comensa – en 2008 NASA va lansa se propre telescopio per trova planetas estrasolal, clamada Kepler. En la periodo de 2007 – 2012, la posablia de trova un planeta como la Tera es multe grande. Vera, 2006 ia es un anio bon per astronomia e la developa de spasio.

La Batalia de la Linguas

La governa de Israel ia comensa un nova loca de rede en la lingua Indonesian. Indonesia es la pais muslim la plu grande en la mundo, e con la paisas Malaisia e Singapor ce ance usa cuasi la mesme lingua, la loca de rede ta pote es lejeda par plu ce 200 milion persones. La loca de rede inclui no sola sujetos political e diplomatal, ma ance sujetos supra cultur, siensa, economia, e instrui. Los espera ce la loca de rede va redui problemas de comprende supra Israel en la popla de Indonesia. <http://jakarta.mfa.gov.il>

Vileta engles en la isola de Jeju. Corea Sude va crea un vileta en la isola autonomial de Jeju, en ce la sola lingua usada es engles. En esta vileta va es scolas ance, e studiantes ala va studia tota sujetos en esa lingua. La vileta es projetada comensa en 2010.

<http://english.yonhapnews.co.kr/Engnews/20061226/410100000020061226093229E0.html>

Resente polises en Scotland usa plu e plu moneta per traduores. En la anios 2005-06, la polisia ia usa la min £256,000 per traduores, 43% plu multe ce du anios ante. La polisia ave un debe legal furni traduores cuando persones ci no parla engles es arestada e acusada, debe furni un declara de atesta o partisipa en un identifia. Un portavose per la polisia ia dise ce traduores es un "nesesadia asoluta," e ce "quando un no parla engles e es acusada, es esensial per la rena de lege ce nos trova ce los parla. <http://medusa.as.arizona.edu/lbto/FL/main.htm>



Novas e Pensas Acaso

Novas e Pensas Acaso es un loca per scrive tu pensas o novas ce no es basta grande per se propre article. Pensas supra la mundo, linguas, la state de LFN e linguas construida, spasio, etc. En esta prima varia de la jornal sola me scrive la pensas acaso, ma pos la ora cuando otras va scrive, nos va junta nos nomes pos la pensa sciveda en letras poca.

- En 2008 la prima astronavor de Corea Sude va es lansada a la spasio. En 25 desembre la du ganiiores de la xerca ia es proclamada, un om de 30 anios nomada Ko San, e un fema de 28 anios nomada Yi So-yeon. Los va pratica en Rusia en 2007, e pos va vade a la spasio per 10 dias, e va vade ance a la Stasion de Spasio Internasional. Per ce Corea Sude no ave se propre roceto per lansa persones a la spasio, un de la du (la un ce va vade a la

spasio) va vade con un roceto Soyuz rusce.

- La presidente pasada de la Statos Unita, Gerald Ford, ia mori desembre 26, 2006.
- La Wikipedia en engles pasa 100,000,000 editas.

Article de la Vici Esta Mensa

La uici en LFN aora ave plu ce 600 articles, e progresa bon per se aplica per se propre Uicipedia. El ave multe articles e es fasil oblidar la multe articles bon ce esiste entre la 600. Cada mensa nos inclui un article bon en Orizones Nova. Nos espera ce la nom de esta sesion cambia pronto a "Article de Vicipedia Esta Mensa".

La article de la vici esta mensa es un tradui par George Boeree de la Sermo a la Montania. Nos espera un tradui de tota testos relijios (e natural importante testos nonrelijios) en la anios veninte.

La Sermo a la Montania



"La Sermo a la Montania" par Bloch.

Mateo 5

La Bondises

1 Cuando El ia vide la multe, El ia vade supra la montania. E, cuando El ia resta, se seguentes ia veni a el.

2 E El ia abri se boca e ia instrui los, disente:

3 Bondise es los ci es povre en spirito, per ce la renia de sielo es de los.

4 Bondise es los ci lamenta, per ce los va es confortada.

5 Bondise es los ci es umil, per ce los va erita la tera.

6 Bondise es los ci es fama e seto per justia, per ce los va es omlida.

7 Bondise es los ci pardona, per ce los va es pardonada.

8 Bondise es los ci es pura en la cor, per ce los va vide Dio.

9 Bondise es los ci oteni pas, per ce los va es clamada la enfantes de Dio.

10 Bondise es los ci es perseguida per la causa de justia, per ce la renia de sielo es de los.

11 Bondise es vos cuando personas maltrata vos e persegui vos e dise multe formas de mal contra vos a causa de me.

12 Selebra e es multe joios, per vos recompensa en sielo es grande, per ce la profetas ante vos ia es persegui en esta modo ance.

Regulas Nova

13 Vos es la sal de la tera, ma si la sal ia perde se gusta, con ce el es donada sal? De esta ora, el es bon per no cosa, ma eser refusa e craseda su la pedes.

14 Vos es la lus de la mundo. Un site ce es funda supra un colina no pote es ascondeda.

15 Personas no ensende un candela e pone el su un panier, ma supra un portacandela, per ce el dona lus a tota ci es en la casa.

16 Lasa vos lus lumina a personas, per ce los ta vide vos bon operas, e vos glori vos Padre ci es en sielo.

17 No pensa ce me veni per destrui la lege de la profetas. Me no veni per destrui ma per reali.

18 Per ce me disa vera a vos: Asta la siela e la tera desaperi, no un punta e no un vergula va desaperi de la lege asta tota es realida.

19 Donce, alga un ci va desobe la min de esta comandas e va instrui otras ance en esta modo, el va es clamada la min en la renia de sielo; ma alga un ci va obe e instui esta comandas, el va es clamada grande en la renia de sielo.

20 Per ce me dise a vos ce, sin ce vos reto es plu grande ce la reto de la scrivores e la fariseas, vera, vos va no entre la renia de sielo.

21 Vos ia oi los de antica dise: "Tu debe no mata," e "Alga un ci mata es en peril de judi."

22 Ma me dise a vos, alga un ci es colera a se frate sin causa va es en peril de judi; e alga un ci dise a se frate "pigra" va es en peril de la consilia; ma el ci disa "stupida" va es en peril de la focos de inferno.

23 Donce, si tu trae tu donadas a la altar e ala recorda ce tu frate ave un problem con tu,

24 Lasa tu donada ante la altar e vade a tu via. Prima, es reconselada con tu frate e allora veni e dona tu donada.

25 Acorda pronto con tu enemu durante tu es a la via con el, sin ce a alga ora la enemu trae tu a la judor, e la judor trae tu a la polis, e tu es ponedada en la prison.

26 Me dise vera a tu, tu va veni de ala per no modo asta la ora tu paia la sentime final.

27 Vos ia oi los de antica dise: "Tu debe no adultera."

28 Ma me dise a vos, alga un ci regarda un fema con libido ia adultera ja en se cor.

29 E si tu oio destra fala tu, estrae el e lansa el de tu; per ce tu profita plu si un de tu membros mori, ce tu corpo completa es lansa en enferno.

30 E si tu mano destra fala tu, corti el e lansa el de tu; per ce tu profita plu si un de tu miembros mori, ce tu corpo completa es lansa en enferno.

31 Es diseda: "Alga un ci pone se sposa a un lado, el debe dona a el un contrata de divorsa."

32 Ma me dise a vos, alga un ci pone se sposa a un lado, eseta per nonfidelia, causa el adultera; e alga un ci va sposi el ci es divorsada adultera ance.

33 Ancora, tu ia oi los de antica dise: "Tu debe no jura, ma performa tu juras a la Senior."

34 Me me dise a vos, no jura en tota casos, no a sielo, per ce el es la trono de Dio;

35 No a la tera, per ce el es Se reposepedes; no a Jerusalem, per ce el es la site de la Re grande.

36 E tu debe no jura a tu testa, per ce tu no pote cambia un capela blanca o negra.

37 Ma dise "si, si" o "no, no;" per ce alga cosa plu ce estas veni de malia.

38 E vos ia oi la dise, "Un oio per un oio, e un dente per un dente."

39 Ma me dise a vos: No resista malia, ma si un person colpa tu a tu jena destra, presenta la otra jena ance a el.

40 E si un person suplica tu en la lege e retira tu jaca, dona a el tu capa ance.

41 E si un person forsa ce tu vade un milia, vade du milia con el.

42 Dona a el ci demanda de tu, e no evita el ci vole presta de tu.

43 Vos ia oi la dise: "Tu debe ama tu visina e odi tu enemis."

44 Ma me dise a vos, ama tu enemis, bondise los ci maldise tu, fa bon a los ci odi tu, e prea per los ci usa tu con odia e persegui tu,

45 Per ce vos pote es la enfantes de vos Padre ci es en sielo. Per ce El causa la sol brilia supra la mal e la bon, e El envia la pluva supra la justa e la nonjusta.

46 Per ce, si vos ama los ci ama vos, tu gania ce? La coliores de impostas fa la mesma, no?

47 E si tu saluta sola tu frates, tu fa ce plu ce otras? La coliores de impostas fa la mesma, no?

48 Donce, tu debe es perfeta, mesma como tu Padre ci es in sielo es perfeta.

Mateo 6

1 Es atendente ce vos no mostra carita ante otra persones per es videda par los; a otra ves vos no va reseta tu recompensa de vos Padre ce es in sielo.

2 Donce, cuando tu mostra carita, no sona un trompeta ante tu, como la ipocrites en la sinagoga

e en la ruas per reseta la gloria de umanas. Vera me dise a vos, los va ave se recompensa.

3 Ma cuanto tu mostra carita, no permite tu mano sinistra sabe ce tu mano destra fa,

4 Per tu carita ta es en secreta; e tu Padre ci vide en secreta, El va recompensa tu en abria.

5 E cuando tu prea, no es como la ipocrites. Los gusta prea stante en la sinagogas e a la cantos de la ruas, per es videda par persones. Vera me dise a vos, los ave se recompensa.

6 Ma cuando tu prea, entra tu saleta e, cuando tu ia clui la porta, prea a tu Padre ci es en secreta; e tu Padre ci vide tu en secreta va recompensa tu en abria.

7 Ma cuando tu prea, no usa repetas vanos como la paganes, per ce los pensa ce los es oida cuando los parla multe.

8 Donce no es como los, per ce tu Padre sabe ce cosas tu nesesa ante tu demanda de El.

La Prea de la Senior

9 En esta modo prea: Nos Padre, ci es en sielo, santa es tu nom.

10 Tu renia veni. Tu vole es fada, en tera como en sielo.

11 Dona oji nos pane dial.

12 Pardona nos detas, como nos pardona nos detores.

13 E no condui nos a tentia, ma proteje nos de malia. Per ce de tu es la renia, e la potia, e la gloria per tota tempo. Amen.

14 Per ce si vos pardona umanes se ofendes, vos Padre en sielo va pardon vos ance.

15 Ma si vos no pardona umanes se ofendes, vos Padre no va pardona vos.

16 Plu, cuando tu juna, no dona un fas triste, como la ipocritas. Per ce los malforma se fases per aperi juna a umanes. Vera me dise a tu, los ave se recompensa.

17 Ma tu, cuando tu juna, pone unguento a tu testa e lava tu fas,

18 Per ce tu no nesesa aperi juna a persones, ma a tu Padre en secreta; e tu Padre, ci vide en secreta, va recompensa tu en abria.

De Ricia

19 No reserva tesoros per vos mesmas en la tera, do la papilios de note e la osida ruina, e do la furores entra e fura;

20 Ma reserva tesoros per vos mesmas en sielo, do no papilios de note e no osida ruina, e do la furores no entra no fura.

21 Per ce do vos tesoro es, do es vos cor ance.

22 La lus de la corpo es la oio. Donce, si tu oio es bon, tu tota corpo va es plen de lus.

23 Ma si tu oio es mal, tu tota corpo va es plen de oscura. Donce, si la lus ce es en tu es oscura, ce grande es esta oscura!

24 No person pote servi du mestres; per ce el va odi la un e ama la otra, o el va teni la un e despresa la otra. Vos no pote servi ambos Dio e Mamon (ricia).

25 Donce me dise a vos, no pensa de vos vive, de ce tu va come o ce tu va beve, no ance de tu corpo, ce tu va porta. Esce no es la viva plu ce carne, e la corpo plu ce vestes?

26 Vide la avias de la aira: los no seme e no recole; e ance tu Padre en sielo nuri los. Esce vos no plu bon ce los?

27 Ci de vos, par pensa, pote junta un codo de longia a vos altia?

28 E per ce vos pensa de vestas? Considera la liles de la campo, como los crese. Los no labora e no tese,

29 Ma vera me dise a tu ce no ance Solomon en tota se gloria ia es vestida como un de los.

30 Donce, si Dio en esta modo vesti la erba de la campo, ce es oji asi e es lansa doman en la forno, esce El no vesti vos multe plu, vos de poca fidel?

31 Donce no pensa "Ce nos va come?" o "Ce nos va beve?" o "Ce nos va porta?"

32 (La paganes xerca per tota esta cosas.) Tu padre en sielo sabe ce vos nesesa tota esta cosas.

33 Ma xerca prima la renia de Dio e Se retia, e tota esta cosas va es donada a vos.

34 No pensa de doman, per ce doman va pensa de se mesma. Basta per alga dia es la malia de la dia.

Mateo 7

La Avisas

1 No judi, per ce vos no va es judida.

2 Per ce la judia ce vos dona es la judia per ce vos va es judida; e la mesura tu usa va es la mesura per ce vos va es mesurada.

3 Per ce tu regarda la particula en la oio de tu frate, ma no considera la faxon en tu oio propre?

4 Como tu pote dise a tu frate "Permite me estrae la particula de tu oio" cuando tu ave un faxon en tu oio propre?

5 Ipocrita! Prima estrae la faxon de tu oio propre, e donce tu vide clar per estrae la particula de la oio de tu frate.

6 Vos debe no dona la santa a canes, e no lansa vos perlas ante porcos, per ce los no crase los su pedes e donce retorna e lasera tu.

7 Demanda, e esa va es donada a vos; xerca, e vos va trova; toca, e la porta va es abrida per vos.

8 Per cada un ci demanda va reseta; e el ci xerca va trova; e el ci toca, la porta va es abrida per el.

9 Ci person entre vos, si se fio demanda pan, va dona un petra a el?

10 O si el demanda un pex, va dona un serpente a el?

11 Donce, si vos, ci es mal, sabe como dona bon donadas a tu enfantes, como plu tu Padre en sielo va dona bon cosas a el ci demanda de El?

12 Donce, tota cosas vos desira ce personas fa a vos, vos fa ance a los; per ce esta es la lege e la profetas.

13 Entra en a la porta streta, per ce la porta larga e la via grande vade a destrui, e multe entra ala.

14 Streta es la porta e la via ce vade a vive, e poca trova el.

15 Es cauta de profetas falsa, ci veni a vos en la vestes de oveas, ma a la exterior es lupos famos.

16 Vos va reconose los par los frutas. Esce personas colie uvas de spinas o figas de cardos?

17 Ance, cada bon arbor dona bon fruta, ma un arbor malida dona mal fruta.

18 Un bon arbor no pote dona mal fruta, e un arbor malida no pote dona bon fruta.

19 Cada arbor ce no dona bon fruta es cortida e lansada en la foco.

20 Donce, vos conose los par los frutas.

21 No cada un ci dise a me "Senior, Senior" va entra la renia de sielo, esetante el ci fa la vole de me Padre en sielo.

22 Multe va dise a me en acel dia "Senior, Senior, esce nos no ia profeta en tu nom, e ia estrae demones en tu nom, e fa multe operas stonante en tu nom?"

23 E donce me va profesa a los "A no tempo me ia conosa vos; vade de me, vos ci fa nonjustia."

24 Donce, cada un ci oi esta dises de me e fa los, me va compare el a un person saja, ci ia construi se casa supra un roca.

25 E la pluva cada, e la deluvia veni, e la venta soffla e colpa a esta casa, e la casa no cada, per ce el ia es funda supra un roca.

26 E cada un ci oi esta dises de me e no fa los va es comparada a un person fol, ci construi se casa supra la arena.

27 E la pluva cada, e la deluvia veni, e la venta soffla e colpa a esta casa, e la casa cada, e la cada ia es grande.

28 E final, cuando Jesus ia fini esta dises, la personas ia es stonada a Se dotrina;

29 Per ce El instrui los como un con autoria, e no como la scivores.

Pajes de Rede Recomendada

Pajes de Rede Recomendada es tre simple. Scrive supra pajes en la rede ce tu gusta, o pensa ce pote fa la vive de un plu bon. No pajes comercial (anunsias poca como Google Adsense es oce, sole pajes ce existe per atentas comercial no va es sciveda).

<http://uplink.space.com/> Un foro en engles per discute supra tota cosas de spasio. Esta es la sola foro en la rede en ce un pote discue supra la coloni de Venus, e espeta 200 respondes supra la sujeto.

<http://www.chinesepod.com> Asi tu pote aprende la lingua xines sin costa usante podcastes. Resente esta loca de rede es tre poplal.

Sitas de la mensa

Anthony DeMello

Es ce tu sabe ce es la vive eterna? Tu pensa ce el es la vive ce dura eterna. Ma tu propre teolojistes va disa a tu ce esa es fol, per ce dura eterna es ance entre la tempo. El es la tempo ce dura a tota tempo. Eterna sinifia un cosa nontempal – no tempo. La mente umana no pote comprende el. La mente umana pote comprende tempo, e pote nega el. Ce es nontempal es plu distante ce nos comprende. Ma la misticas disa a nos ce eterna es aora. Es novas bon, no? El es aora, la momente aora. Personas es tan angusada cuando me dise ce los debe oblida los pasada. Los es fol! Lasa el cade! Cuando tu oi "Repenta tu pasada," reali ce el es un destrae grande relijios de velia tu mesma. Velia! Esa es la sinifia de repenta. No "plora per tu pecas.": Velia! Comprende, sesa tota la ploras! Comprende! Velia!

Do you know what eternal life is? You think it's everlasting life. But your own theologians will tell you that that is crazy, because everlasting is still within time. It is time perduring forever. Eternal means timeless— no time. The human mind cannot understand that. The human mind can understand time and can deny time. What is timeless is beyond our comprehension. Yet the mystics tell us that eternity is right now. How's that for good news? It is right now. People are so distressed when I tell them to forget their past. They're crazy! Just drop it! When you hear "Repent for your past," realize it's a great religious distraction from waking up. Wake up! That's what repent means. Not "weep for your sins.": Wake up! understand, stop all the crying. Understand! Wake up!

Posta

No un esta mensa ance! Si tu vole ce tu posta apare en esta jornal, scrive per favor a:

mithradates@gmail.com

Diretos de Copia

Orizones Nova usa la lisensa Creative Commons.

Onora-NonComercial-Comparti Simile 2.5

Tu pote libre:

- copia, distribui, mostra, e presenta la labora
- fa laboras deduida

Su la articles seguente:



Onora. Tu debe done la onora a la autor orijinal.



Non-Comercial. Tu no pote usa esta labora per intendes comercial.



Comparti Simile. Si tu cambia, muta, o construi alga cosa usante esta labora, tu pote distribui esa labora sola usanta un lisensa la mesma ce esta lisensa.

Esta es un varia de la tota lisensa (engles), scriveda simple per ce persones comprende sin problem.